



谷淡菴

述異記卷上

梁樂安任昉著

明會稽商濬校

昔盤古氏之死也頭為四岳目為日月脂膏為江海
 毛髮為草木秦漢間俗說盤古氏頭為東岳腹為
 中岳左臂為南岳右臂為北岳足為西岳先儒說
 盤古氏泣為江河氣為風聲為雷目瞳為電古說
 盤古氏喜為晴怒為陰吳楚間說盤古氏夫妻陰
 陽之始也今南海有盤古氏墓亘三百餘里俗云
 後人追葬盤古之魂也桂林有盤古氏廟今人祝
 祀中盤古國令人皆以盤古為姓

述異記

南海中盤古國今人皆以盤古為姓按盤古氏天
 地萬物之祖也然則生物始於盤古今人
 南海小虞山中有鬼母能產天地鬼一產十鬼朝產
 之暮食之今蒼梧有鬼母神是也虎頭龍足蟒目
 蛟眉蟒蛇目圓蛟眉連生今吳越間防風廟土木作其形龍
 首牛耳連眉一目防風氏
 昔禹會塗山執玉帛者萬國防風氏後至禹誅之其
 長三丈其骨頭專車今南中民有姓防風氏即其
 後也皆長大越俗祭防風神奏防風古樂截竹長
 三尺吹之如嗥三人披髮而舞

恭案耳疑
 其之誤
 不然是衍
 字

軒轅之初立也有蚩尤氏兄弟七十二人銅頭鐵額
 食鐵石軒轅誅之於涿鹿之野蚩尤能作雲霧涿
 鹿今在冀州有蚩尤神俗云人身牛蹄四目六手
 今冀州人掘地得髑髏如銅鐵者即蚩尤之骨也
 今有蚩尤齒長二寸堅不可碎秦漢間說蚩尤氏
 耳鬚如劍戟頭有角與軒轅鬪以角觝人人不能
 向今冀州有樂名蚩尤戲其民兩兩三三頭戴牛
 角而相觝漢造角觝戲蓋其遺製也
 太原村落間祭蚩尤神不用牛頭今冀州有蚩尤川
 即涿鹿之野漢武時太原有蚩尤神畫見龜足蛇

首首疫其俗遂立祠

堯使鯀治洪水不勝其任遂誅鯀於羽山化為黃能

切黃熊也陸居曰熊水居曰能防按今江淮中有獸

名熊能蛇之精至冬化為雉至春復為蛇今吳中

○○○毒故也本州編目精下有蛇化也三字化者雉作則有雉

揚州有蛇市市人鬻珠玉而雜貨絞布絞人郎泉先

也又名泉客

南海出絞綃紗泉先潛織一名龍紗其價百餘金以

為服入水不濡

南海有龍綃宮泉先織綃之處綃有白如霜者

鬱林郡有珊瑚市海先市珊瑚樹碧色生海底一株

數十枝枝間無葉大者高五六尺至小者尺餘絞

人云海上有珊瑚宮漢元封二年鬱林郡獻瑞珊

瑚瑚光武時南海獻珊瑚婦人帝命植於殿前謂之女珊

瑚一旦柯葉甚茂至靈帝時樹死咸以為漢室將

亡之徵也

凡珠有龍珠龍所吐者蛇珠蛇所吐者南海俗諺云

蛇珠千枚不及玫瑰言蛇珠賤也玫瑰亦美珠也

越人諺云種千畝木收不如一龍珠

越俗以珠為上寶生女謂之珠娘生男謂之珠兒吳

越間俗說明珠一斛貴如玉者合浦有珠市

黃炎帝女溺苑東海中化為精衛其名自呼每銜西

山木石填東海偶海燕而生子生雌狀如精衛半

雄如海燕今東海精衛誓水處曾溺於此川誓不

飲其水一名鳥誓一名冤禽又名志鳥俗呼帝女

雀

東海島龍川穆天子養八駿處也島中有草名龍鬣

馬食之一日千里古語云一秣龍鬣化為龍駒

陶唐之世越裳國獻千歲神龜方三尺餘背上有文

皆科斗書記開闢已來帝命錄之謂之龜曆伏滔

述帝功德銘曰胡書龜曆之文

夏桀宮中有女子化為龍不可近俄而復為婦人甚

麗而食人桀命為蛟妾告桀吉凶

桀時泰山山走石泣先儒說桀之將亡泰山三日泣

今泰山山石遠望之若人泣者是也武王謂周公

曰桀為不道走山泣石

堯為仁君一日十瑞宮中芻化為禾鳳凰止於庭神

龍見於宮沼曆草生階宮禽五色鳥化白神木生

蓮菴蒲生厨景星耀於天甘露降於地是為十瑞
東海畔有孤竹焉斬而復生中有管周武王時孤竹
之國獻瑞荀一株

空桑生大野山中為琴瑟之最者空桑也

周成王元年貝多國人獻舞雀周公命返之

南海中有軒轅丘鸞自歌鳳自舞古云天帝樂也

崆峒山中有堯碑禹碣皆籀文焉伏滔述帝功德銘

曰堯碑禹碣曆古不昧

會稽山有虞舜巡狩臺下有望陵祠帝舜南巡葬
於九疑民思之立祠曰望陵祠

帝舜都郭門古宮存焉宮前有堯臺舜館銘記古文
莫有識者

湘水公岸三十里許有相思宮望帝臺昔舜南巡而
葬於蒼梧之野堯之二女娥皇女英追之不及相
與慟哭淚下沾竹竹文上為之斑斑然

昔戰國時魏國苦秦之難有民從征戍秦久不返妻
思而卒既葬塚上生木枝葉皆向夫所在而傾因
名相思木今秦趙間有相思艸狀如石竹而節々
相續一名斷腸艸又名愁婦草亦名霜草人呼為
寡婦莎蓋相思之流也

淮南有懶婦魚俗云昔楊氏家婦為姑所溺而死化為魚焉其脂膏可燃燈燭以之照鳴琴博奕則爛然有光及照紡績則不復明焉

水虺五百年化為蛟蛟千歲化為龍龍五百年為角龍十年為應竜

沮渙二水波紋皆若五色彼人多文章故一名績水灌淝之間離別亭古送別處漢沔會流處岸上有石銘曰下至水府三十一里皆傳云李斯刻此石

鹿千年化為蒼又五百年化為白又五百年化為玄漢成帝時中山人得玄鹿烹而視之腎皆黑色仙

者說玄鹿為肺食之壽二十歲

餘干縣有白鹿士人皆傳千年矣晉成帝遣人捕得有銅牌在角後書云漢元鼎二年臨江所獻白鹿

淮水中黃雀至秋化為蛤春復為黃雀雀五百年化為蜃蛤

梓樹之精化為青羊生百年而紅五百年而黃又五百年而色蒼又五百年而色白

龜千年生毛龜壽五千年謂之神龜萬年曰靈龜海魚千歲為劍魚一名琵琶魚形如琵琶而善鳴因以名焉

漢中山有虎生角道家云虎千年則牙蛻而角生
漢宣城郡守封邵一旦忽化為虎食郡民呼之曰
封使者因去不復來故時人語曰無作封使君生
不治民死食民夫人無德而壽則為虎虎不食人
人化虎則食人蓋耻其類而惡之

鏡之為獸狀如虎豹而小始生還食其母故曰梟鏡
濟陽山有麻姑登仙處俗說山上千年金雞鳴玉犬
吠

闔閭夫人墓中周迴八里別館洞房迤邐相屬漆燈
照爛如日月焉尤異者金蚕玉燕各千餘隻

吳主夫差築姑蘇之臺三年乃成周旋詰屈橫亘五
耗里崇飾土木殫耗人力宮妓數千人上別立春宵
宮為長夜之飲造千石酒鐘夫差作天池池中造
青龍舟舟中盛陳妓樂日與西施為水嬉吳王於
宮中作海靈館館姓閣銅溝玉檻宮之楹檻皆珠
玉飾之

吳既滅越棲勾踐於會稽之上地方千里勾踐得范
蠡之謀乃示民以耕桑延四方之士作臺於外而
館賢士今會稽山有越王臺今文州麻林一名紵
林勾踐種麻將以弦弓交州糠頭山勾踐貯米於

其上春積糠為山今會稽之上有越王鑄劍洲箭鏃洲往往有得古箭鏃蓋古制也

廣州東界有大夫文種之墓墓下有石為華表柱石鶴一隻種即越王勾踐之謀臣也

洞庭湖中有釣洲昔范蠡乘扁舟至此遇風止釣於洲上刻石記焉有一陂陂中有范蠡魚簪范蠡釣得大魚烹食之小者放於陂中陂邊有范蠡石牀石硯鉢鱗范蠡宅在湖中多桑紵英果有海杏大如拳苦菜并柚林石壁上鑿兵書十篇菰葑川皆范蠡手植之定陶有范蠡千斛魚陂木桃園酸棗

林梧桐宮在勾容縣傳云吳別館有楸梧成林焉梧子可食古樂府云梧桐宮秋吳王愁是也

鹽閣墓中石銘云吳王之夜室也嗚呼平吾君王棄吾之邦遷于重圍維圍之陽吾王之邦

今宜都有吳王射亭木棠苑木棠果名似梨而甜宜都七里溪吳王射堂堂之柱礎皆如伏龜表宏官賦曰海龜之礎是也

蒼頡墓在北海呼為藏書臺周末發冢得方玉石上刻文八十字當時莫識遂藏之書府至秦時李斯識八字云上天作命星辟送王至叔孫通識十二

字

頽卿石堂有老子篆書道德經五千字蔡邕於其旁以頽書證之頽疑隸誤

番禺有酸柿甜梅李尤果賦生物賦偏梅甜柿酸

漢章帝三年子母荀生白虎殿前時謂為孝竹群臣

獻孝竹頌

越多橘柚園越人歲多橘稅謂橙橘戶吳書闕尚表請除臣之橘籍是也

越中有王氏之橘園胡氏之梅山賀氏之瓜丘吳中有陸家白蓮顧家斑竹趙有韓氏之酸棗

中山有楸戶掌楸木者楸子為竹器漢書貨殖志千

年楸

邯鄲有故宮基存焉中有趙王之果園梅李至冬而花春得而食

鄴中銅駝魏武帝陵下銅駝石犬各二古詩云石犬不可吠銅駝徒爾為

一說香水在并州其水香潔浴之去病吳故宮亦有香水溪俗云西施浴處人呼為脂粉塘吳王宮人濯粧於此溪上源至今馨香古詩云安得香水泉濯郎衣上塵俗說魏武帝陵中亦有泉謂之香水

鏡州俗傳軒轅氏鑄鏡於湖邊今有軒轅磨鏡石石上常潔不生蔓草

桂林東南邊海有裸川桓譚新論云呈衣冠於裸川海上有裸人鄉

丹陽大姑陵陵下有石麟二枚不知年代傳云秦漢間公卿墓則以石麒麟鎮之

虞氏縣有盧君古塚塚旁栢二株枝條蔭茂二百餘步樹文隱起皆如龜甲根勁如銅石

盧府君墓在館陶縣南二十里不知何代銘曰盧府君歸真之室

廬陵郡有董氏之宅前有董家祠昔有董氏語其鄉人曰吾當盡室作神及死家人老幼皆卒鄉人往往見之稱吾於地下作廬陵候鄉人因為立祠能致風雨

安定西隴道其谷中有彈箏之聲行人過聞之謂之彈箏谷

粉水出房陵永清谷取其水以滑粉即鮮潔有異於常謂之粉水

漢水西山有九井井中常出五色煙高數丈傳云昔有人絕人得數斛空青

西海外有鵠國人長七寸日行千里百獸不犯唯畏
海鵠鵠見必吞之在鵠腹中不死鵠一舉亦千里
吐綬鳥其身大如鶴五色出巴東山中毛色可愛若
天晴景淑即吐綬長一尺須臾還吞之陰滯郎不
吐
陽泉在天餘山北清流數十步所涵草木皆化為石
精明堅勁其水所經之處物皆為石
却塵犀海獸也然其角辟塵置之干座塵埃不入
羊山上有燃石其色黃而文理疎以水沃之便如煎
沸其上可炊烹稍冷即以水沃之

猓猓獸中最大者龍頭馬尾虎爪長四百尺善走以
入為食遇有道君即隱藏無道君即出食人猓八反
乳猓翼反
辟寒香丹丹國所出漢武時入貢每至大寒於室焚
之煖氣翕然自外而入人皆減衣
迷穀出招搖山亦名鵠山其樹如穀又如楮其花四
照名曰迷穀如佩之令人不迷
南康樛都縣西沿江有石室名窠口穴嘗有船人遇
一人通身黃衣擔兩籃黃瓜求寄載過至崖下此
人唾盤上徑下崖直入石穴中船主初甚忿之見

其人入石始知異視盤上唾悉是金矣

曾參養母至孝曾有玄鶴為戎人所射窮而歸參參

收養療治瘡愈放之後鶴夜到門外參乘燭視鶴

鳴雄雙至各銜明月珠以置參家

炎洲在南海中上有風生獸似豹青色大如狸網取

之積薪數車燒之不燃鐵鎚鍛頭數十下乃死以

口向風須臾便活以石上菖蒲塞鼻即真死取其

腦和菊花服之可壽五百歲

南方有災火山四月生火十二月火滅火滅之後草

木皆生枝條至火生草木葉落如中國寒時也取

此木以為薪燃之不燼以其皮績之為火浣布

蘭陵山有井異鳥巢其中金翅而身黑此鳥見即大

水井不可窺窺者盈歲輒死

玉門西南有一國國中有山石磻子林千枚名霹靂

磻從春雷而磻減至秋磻盡雷收復生年年如此

宣城蓋山有舒姑泉俗傳有舒氏女與父析薪女坐

泉處忽牽挽不動父遽告家及再至其地唯見清

泉湛然其母曰女好音樂乃作弦歌泉乃涌流

搗衣山一名靈山在瑯琊郡山南絕險巖有方石昔

有神女於此擣衣其石明瑩謂之玉女擣練石

斗鄉西津有玉女岡天當雨輒先涌五色氣於石間
俗謂玉女披衣
嶠州去玉門三千里地寒多雪着木石之上皆融而
其可以為菓嶠丘
八方之荒有石鼓其徑千里撞之其音即成雷也天
之申威於此
秦始皇作石橋於海上欲過海觀日出處有神人驅
石去不速神人鞭之皆流血今石橋其色猶赤
員嶠山名遷丘東有雲石廣五百里有蠶長七寸黑
色有鱗角以雪霜覆之然後作繭長一尺其色五

采織為文錦入水不濡
園客者濟陰人貌美邑人多欲妻之客終不要常種
五色香草積十餘年服食其實忽有五色蛾集香
草上客薦之以布生華蠶焉至蠶時有一女自來
助養蠶以香草食之得繭一百二十枚繭大如广
每一繭繅六七日絲方盡繅訖此女與客俱神仙
去
并州妬女泉婦人不得醜粧絳服至其地必興雲南
一名是介推妹
齊桓公北征孤竹見人長尺具衣冠左杖而走於馬

前管仲曰此山之神也名曰俞兒霸王去之君與則見也

和州歷陽淪為湖昔有書生遇一老姥姥得之厚生謂姥曰此縣門石龜眼血出此地當陷為湖姥數往視之門吏問姥姥具答之吏以朱點龜眼姥見遂走上北山顧城遂陷焉今湖中有明府魚奴魚婢魚

信安郡有石室山晉時王質伐木至見童子數人棊而歌質因聽之童子以一物與質如棊核質含之不覺饑俄頃童子謂曰何不食質起視棊柯爛盡

既歸無復時人

螺亭在南康郡昔有一女採螺為業曾宿此亭夜聞空中風雨聲乃見眾螺張口而至便亂噉其肉明日唯有骨存焉故號此亭為螺亭

北方有七尺之棗南方有三尺之梨凡人不得見或見而食之即為地仙

荀瓌字叔偉潛棲卽莊嘗東遊魚江夏黃鶴樓上望西南有物飄然降自霄漢俄頃已至乃駕鶴之賓也鶴止戶側仙者就席羽衣虹裳賓主歡對已而辭去跨鶴騰空眇然而滅

晉安郡有一書生讖端為性介潔不滌聲色嘗於海
岸觀濤得一太螺大如一石米舂割之中有美女
曰予天漢中白水素女天帝矜卿純正令為君作
婦端以為妖呵責遣之女漢心外雲而去
東陽郡永康縣吳時有人入山逢大龜擔之未至家
遇夜攬舟於岸見老桑呼龜曰元緒汝當死矣龜
呼桑樹曰子明無苦也雖然盡南山之樵不能潰
我對曰諸葛恪明敏禱必及於予明日其人將龜
獻吳王命煮之三日三夜不死遂問諸葛恪恪曰
此龜有精須得多載老桑為薪煮之立爛遂令以

老桑斫之為薪既燃即爛
漢武帝幸耳泉長平阪道中有喪赤如肝頭目口齒
悉具人莫知也時東方朔曰此古秦獄地也積憂
所致上使按圖果秦獄地朔曰夫積憂者得酒而
解乃以蟲置酒中立消
洞庭山有宮五門東通林屋西達峨眉南接羅浮北
連岱岳東有石樓樓下兩石扣之清越所謂神鉦
昔有青童乘燭鸞飛輪之車至此其跡存焉上有
天帝壇山山有金牛穴吳孫權時令人掘金金化
為牛走上山其跡存焉故號為金牛穴

范文本曰南奴也為奴時牧羊於澗中得兩鯉魚欲私食之郎知詰之文詐云將礪石還非魚也郎至魚所果見兩石文異之石有鐵文因入山中就治作兩刀因舉刀向鄣鄣郎乘中山地名也呪曰鯉魚變化治成刀研石鄣破者是有神靈文當治此國遂研破之衆遂推為君

宋武帝微時伐荻於新洲見一大蛇長數丈遂射之傷明日復往觀之間杵臼聲覘見數青衣童子持藥問其故荅曰我王為劉寄奴所射今合藥傳之帝曰何神也童子不荅帝叱之皆散收得藥人因

名此草為劉寄奴

西域有鼠國大者如猪中者如兔小者如常鼠頭悉白商賈有經過其國者若不祈祀則啣人衣裳

周成王時東夷送六角牛

磅礪山太扶桑五萬里日所不及其地甚寒有桃樹

千圍萬年一實一說日本國有金桃其實重一斤

吳主闔閭葬於吳縣三月有白虎居其上號曰虎丘

晉大康中會稽縣螭蜺及羊皆化為鼠螭始變者有

毛無肉大食新稻

周穆王時天下連雨三月穆王乃吹笛其雨遂止

漢武帝時西方有日支國獻活人草三莖有人死者將草覆面即活之矣

封微山中有怒毛獸若不嗅毛短三寸若嗅毛長三尺

南金山有獅子禽其毛黃赤而光鮮耳小若鳴時地動石裂

崑崙山有玉桃光明洞徹而堅瑩須以玉井泉洗之便軟可食

北方荒外有石湖方十里中有橫公魚夜即化為人刺之不入煮之不死若以烏梅二十七箇煮之即熟

可治邪病

東海郡尉于台有杏一株花雜五色六出號云仙人杏

晉時晉陵薛願家有虹飲釜中水須臾而竭願因以酒祝而益之虹復飲盡吐金滿釜而去願家遂至大富

顧渚山有報春鳥春至即鳴秋分亦鳴似鸚鵡之類也

龍肝山長一尺花紅葉素生於水谷所謂水谷素葉之瓜

越俗說會稽山夏禹廟中有楠梁忽一春而生枝葉
漢成帝常與趙飛燕游太液池以沙棠木為舟其木
出崑崙山人食其實入水不溺詩曰安得沙棠木
雕剗以為舟船

巴東有真香茗其花白色如薔薇煎服令人不眠能
誦無忘

伺潮鷄潮水上則鳴孫綽望海賦曰石鷄清響而應
潮是也

聚窟洲有返魂樹伐其根心於玉釜中煮取汁又熬
之令可丸名曰驚精香或名震靈丸或名返生香

或名却死香死尸在地聞氣即活

岑華山在西海之西有蔓竹為簫管吹之若群鳳之
鳴

魏興錫義山多生微蘅草有風不偃無風獨搖
黃金山有楠樹一年東邊榮西邊枯後年西邊榮東

邊枯年年如此張華云交讓樹也
石勒嘗備於臨水為遊軍所囚會有群鹿傍道軍人

競逐之勒乃獲免俄而又見一老父謂勒曰向來
群鹿者我也君應為列國主故相救耳

大食主國在西海中有二方石上多樹榦赤葉青

枝上總生小兒長六七寸見人皆笑動其手足頭
着樹枝使摘一枝小兒便死

解多者一角之羊也性知人有罪皋陶治獄其罪疑

者令羊觸之

取鳥之未生毛者以丹和牛肉使吞至長羽毛皆赤

殺之陰乾杵服壽五百歲

鄧通以擢船為黃頭郎曰土服水其色黃故刺船郎

皆着黃帽

漢元和元年大雨有一青龍墮於宮中帝命烹之賜

群臣龍羹各一杯故李尤七命曰味兼龍羹七命文章名也

章

案消山有石樓樹與太皇元年郡吏伍曜於海際得

之枝莖紫色有光南越謂之石連理也

南海有明珠即鯨魚目瞳鯨死而目皆無精夜可以

鑒謂之夜光

千年木精為青牛

猿五百歲化為懼懼千歲化為老人

鵠生五百年而紅五百年而黃又五百年而蒼又五

百年而白壽三千歲

鸞千年生胡鬚

虎魚老者為蛟

江中魚化為蝗而食五穀者百歲為鼠
蛟羊似羊而無角啖之毒

古人說羊一名胡鬍郎又名青鳥

周穆王之犬日走千里食虎豹

闔閭構水精宮尤極珍怪皆出自水府

瀨鄉老子祠有紫石榴紅縹李一李二色

勾漏縣有白橘青椒縹杏

南中生子母竹今之慈竹也

漢章帝元年上虞縣獻二帶瓜一實二帶及王色橘

趙王故城俗呼為麋鹿城

殷紂時大龜生毛而鬼生角是兵甲將興之兆

梁孝王築平臺臺至今存有蒹葭洲鳧藻洲梳洗潭

中有望泰山商人望鄉之處

貝官夫人廟在太一山下云懷元王夫人也廟即其

基也

當陽南有龍川鳳川云漢武帝時八龍五鳳常見於

此亦呼為五鳳洲

魏文帝甄后陵在鄴中臨漳東北至今有甄后神

述異記卷上終



述異記卷上

魏文帝時以刻玉為中書省東以至今亦謂中書

此而如漢正周也

嘗聞南有蘇川風川云黃河帝親八龍年鳳常長然

基也

貝首夫人前環太一山王云劉山王夫人也臨其

中百望泰山商人所說文也

梁孝王築平蓋臺至今其台猶存所說蕭何所說

趙倫祖大龜主手而以三首長為中神與文也

何原

了了

